

## Ёма да ключ: выльвося гаж

2015 вося декабр 27 лун, 13.00  
Сценарий гижысь: А.А. Михайлова

Ворсысьяс:  
Лымныв  
Ёма  
Көдзыд пöль

(Шылад улö петö Лымныв)

**Лымныв:** Видза оланнуд, ёртгяс! Ме Лымныв. Көдзыд Пöль неуна сёрмыштас, век на лавкаысь козингяс бөрйö, а менö тiян дорö мөдöдiс, мед тi он гажтöмтчöй. Ооо... кутшöм унаөн тi чукöртчöмнуд! Чайта да, Выль во паныдавны да Көдзыд пöлькөд чолöмасьны локтiннуд? (Да) Кутшöм волөн кадö паныдалöны Выль восö? (Тöвнас) Кымын тöвся тöлысь тi тöданныд? (Куим: декабр, январь, февраль) Кутшöм пу Выль во кeжлö дасьтöны-мичмөдöны? (Коз) О, да тi вөлöм ёна нин дасьтысьöмнуд миян Көдзыд пöлькөд локтöм кeжлö! Гөгөр мичмөдöмнуд, а кутшöма пасьтасьöмнуд! Весиг коз сувтöдöмнуд! А тi тöданныд коз пу йылысь сыланкыв? Вай öтлан кытшö сувтам да сийöс ссылам.

(Ссылöны)

**Лымныв:** Кыланнуд, кодкö локтö? Буракö, Көдзыд пöль? (Видзöдö) Абу тай сыкодь? Кодi нö тайö?

(Пырö Ёма)

**Ёма:** Чолöм, чолöм!!! Мый тi татөн сераланнуд, ссыланнуд да клопайтанныд!? Мый татчö чукöртчиннуд, Выльвоасьны али мый?!

**Лымныв:** Ноко Ёмук, тэ миянöс эн повзöдды! Ми татчö локтiм Выль во паныдавны! Видзöдды, кутшöм мичаа ставным пасьтасим, коз вылö шаргяс öшлим. Регыд Көдзыд пöль воас.

**Ёма:** Некутшöм Выль во тiянлы оз ло! Ме Көдзыд пöльтö пöрийöдлi да козингяснас и ставнас йигналi. Ключыс ме ордын. (петкөдлö ссылиас

ошалысь ключ). Ме тiяны сiйöс ог сет, весиг эн корöй (пуксьö улöс вылö коз дорö да видзöдалö ключсö).

**Лымныв:** Ёмук, вай миянлы, пöжалуйста, ключтö, миян öд праздникным оз артмы Кöдзыд пöльтöгид.

**Ёма:** Ог.

**Лымныв:** Ёртгяс, мый жö кутам вöчны? Колö бурөн корны Ёмалысь ключсö. Гашкö, ворсöдыштам, да сiйö шаньмас?

(шыödчö Ёма дорö) Ёма, вай тшöтш ворсыштам?

**Ёма:** Ме ог куж ни ог кöсйы!

**Лымныв:** Ми тэнö велöдам. Сидз öд, челядь?

**Ёма:** Но велöданныд кö, ворсышта. Мый колö вöчны?

**Лымныв:** Ме кута висьтавны тöвся паськöм, а тi шылад улö кутанныд йöктыны сiйөн, мый вылö тайö паськöмыс кышавсьö, шуам, шуа кö гын сапöг, колö йöктыны сöмык кокөн (гын сапöг, кепысь, шапка, пась – позьö шуны öтпыр кык паськöм).

(ворсöны)

**Ёма:** Кутшöм жö гажа танi тiянкöд вөлöма!

**Лымныв:** А Кöдзыд пöлькöд нöшта на гажаджык лоас, сiйö сы мында ворсöмгяс тöдö!

**Ёма:** Уна????!! (жугыльмö) Ме некор эг вермы думыштлыны, мый татшöм гажаа позьö паныдавны Виль во. (бöрддзö) Менö некод некор оз кор праздникгяс вылö, вот ме и вöчи тайö лёксö – йигналі Кöдзыд пöльöс. Прöститöй менö!

**Лымныв:** Эн бöрд Ёма, ставсö на позьö бергöдны.

**Ёма:** Да, позьö ставсö бөр бергöдны. Ме öдйö котöртла да мезда Кöдзыд пöльöс! (Котöртö)

**Кöдзыд пöль:** Ау! Ау-у-у!

**Лымныв:** Кыланнды, тайö Кöдзыд пöльлөн гөлöсыс! Вай öтлан горöдам: «Кöдзыд пöль, ми тэнöс виччысям» (Горöдöны)

(Пырö Кöдзыд пöль, бöрсянныс Ёма)

**Көдзыд пөль:** Видза оланнуд, челядь! Дыр ковмис тиянлы талун менө виччысьны. Ёма менө пөрийөдліс да кутшөмкө сарайө йигналіс!

**Лымнив:** Чолөм, Көдзыд пөль! Ёма зэв ёна каитчө таысь. Сідз өд Ёма?

**Ёма:** (Яндысьөмөн) Ме сэсся ог кут ырьянитны, ме шаньон лоа! Прөститөй менө.

**Лымнив:** Прөститам ог? Челядь эскисны тэныд!

**Көдзыд пөль:** Мөдысь татшөм пакөсьгыяс мед вөлі абу вөчөма.

**Ёма:** Позьө ме тиянкөд водзө гажөдчыны кольчча?

**Лымнив:** Челядь, позьө? (Да)

**Ёма:** Аттьө! Вай нөшта ворсыштамөй! Позьө кө ворсөмгыясө вөзья ме?!

**Көдзыд пөль:** Но вай ворсыштам.

**Ёма:** Вай ставным кытшө сувтам, шөрас Көдзыд пөльөс пуксьөдам, шылад улө кутам өта-мөдлы сьөрсьөн-бөрсьөн сетавны менсьым гөликөс, код вылын шыладыс сувтас, сійө висьталө кывбур, сьылө либө йөктө.

**Лымнив:** Зэв бур мөвп.

(Ворсөны)

**Ёма:** Кутшөм ті ставөн мастерөсь. (Челядь местаяс вылө пуксялөны)

**Көдзыд пөль:** Вот талун ті менө и шензьөдіннуд, кутшөм мичаа сьыланнуд, кутшөм збодера йөктаннуд, а кымын мича кывбур ті төданныд! Молодечьяс! Лымнив, колө ставлы козин сетны, вай отсышт меным.

(Сеталөны козиньяс.)

**Көдзыд пөль:** Но, миянлы сэсся колө водзө мунны. Миянөс уна челядь на виччысьө.

**Лымнив:** А ті сэсся пуксьөй пызан сайө да чөсмасьыштөй. Ёма, тэ лок миянкөд жө мунам, тэ тай ворсөмгыясө вөлөмкө төдан жө.

**Көдзыд пөль:** Аддзысьлытөдз!

**Лымнив:** Став бурсө!

**Ёма:** Мед тиян локтан Виль воын уна ёрт лои, а сьөлөм вылад век кыпыд вөлі!